



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellus Sodalitatis: Hoc Est: Christianarum Institutionum Libri quinque

Coster, Franciscus

Antverpiæ, 1587

7 Remedia contra luxuriam.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

Matt. 6. præstitit, *Querite* (inquiens) *primum regnū Dei*
& iustitiam eius: & hæc omnia adiciētur vobis. Et,

Hebr. 11. *Non vos deseram neque derelinquam.* Qui tantam
 turbam Monachorum, Anachoritarum, alio-
 rumq. religiosorum, & Christianorū, qui nu-
 dum Christum nudi secuti fuerunt, hactenus
 aluit: is tibi quoq. necessaria præbebit, si ma-
 gna fide ei te committas. Dum autem tu plus
 æquo sollicitus es, deponit sollicitudinem tui
 Deus, quam tu de te satis magnā habes. Si ve-
 rò sollicitudinem tui proiiceres in eum, ipse
 maiorem curam tui susciperet.

5. Intueri exemplum Dei Domini nostri,
 qui tanta largitate in omnes vititur, vt creatu-
 ras omnes diuitiis suis cumulet. Non illi suf-
 fecit, in vsum tuum hunc orbem creare, quo-
 tidianis muneribus te locupletare, Spiritum
 suum sanctum atq. seipsum tibi communica-
 re: sed in super sanguinem suum, & vitam tibi
2. Cor. 8. dedit, & propter te egenus factus est, cum ef-
 fet diues, vt illius inopia tu ditareris.

CAPVT VII.

REMEDIA CONTRA LVXV-
RIAM.

OLLA, cum admota igni nimium fer-
 uet, ad eam refrigerandam consuevit
 vnū ex his tribus adhiberi: vel ab igne
 amouetur: vel ligna subtrahuntur: vel frigida
 infunditur. Quia ergo libidinis ardor est qui-
 dam ignis: ad eius feruorem minuendum si-
 milibus est vtendum remediis.

1. Fu-

1. Fugiendæ sunt occasiones, vitanda mulierum colloquia, ocium, perditio tēporis: cohibendi oculi, aures, manus, & omnia ea declinanda, quæ aliquam possunt libidinem prouocare. Quia, cum cætera vitia concertatione vincantur; sola luxuria superatur fuga.

*D. Aug.
lib. de honestate
mul. ca. 1.*

1. Cor. 6. Fugite fornicationem.

2. Subtrahatur fomentum, quod est cibus & potus: sicut Helias, impuram Iesabel fugiens, ieiunus ambulauit 40. diebus, & totidem noctibus. Subtrahere ligna foco, si vis extinguere flammam.

3. Reg. 10

3. Addatur aqua refrigerans, corporis afflictio, & pœnitentia. Corpus enim nostrum, cum sit asino simile, tunc minus insolescit, eum durius tractatur. B. Benedictus tentatus à carne, in spinas se nudum abiecit: B. Franciscus in niuem. Nobis quidem licet tam austera remedia adhibenda non sint, assumantur tamen ea, quæ ad domandam petulantiam carnis sufficiant.

*D. Gregor. lib. 2.
Dialogorum. ca. 1.*

4. Feruens oratio ad Dominū: Quia de hoc vitio ait Christus: *Hoc genus demoniorū non eicitur, nisi in oratione & ieiunio.*

Matt. 17.

5. Primis insultibus impurarum cogitationum statim occurrere: quia dū aliqua negligentia permittuntur irrepere, inficiunt animam, & firmiter hærent, quàm vt facile possint excludi. Sunt enim viscosæ instar picis, quæ tacta adhæret, & inficit.

K CAPVT